

*(Službeni glasnik BiH br. 63/04)*

**Koristeći se** ovlaštenjima koja su Visokom predstavniku data u članu V Aneksa 10. (Sporazum o implementaciji civilnog dijela mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja gore navedenog Sporazuma o implementaciji civilnog dijela mirovnog ugovora; i posebno uzevši u obzir član II 1. (d) istog Sporazuma prema kojem Visoki predstavnik "pomaže, kada ocijeni da je to neophodno, u rješavanju svih problema koji se pojave u vezi sa implementacijom civilnog dijela mirovnog ugovora";

**Pozivajući se** na stav XI. 2. Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela mirovnog ugovora, kako bi pomogao u iznalaženju rješenja za probleme u skladu s gore navedenim "donošenjem obavezujućih odluka, kada ocijeni da je to neophodno", o određenim pitanjima, uključujući i (prema tački (c) stava XI.2) "mjere kojima se osigurava implementacija mirovnog sporazuma na cijeloj teritoriji Bosne i Hercegovine i njenih entiteta", koje "mogu uključivati preduzimanje mjera protiv osoba koje obavljaju javne funkcije;

**Pozivajući se** također na Deklaraciju Vijeća za implementaciju mira iz decembra 1998. godine, u kojoj je Vijeće ukazalo na to da uspostava vladavine zakona u koju će svi građani imati povjerenje predstavljajući preduvjet za trajni mir i samoodrživu privredu, što će omogućiti privlačenje i zadržavanje stranih i domaćih investitora;

**Ukazujući na** Deklaraciju Vijeća za implementaciju mira iz maja 2000. godine, u kojoj je istaknuto da su "demokratska i odgovorna policija i nezavisno pravosuđe preduvjeti za vladavinu zakona i punu zaštitu ljudskih prava";

**Uzimajući u obzir** upute koje je dao Upravni odbor Vijeća za implementaciju mira u februaru 2002. godine, prema kojima se traži nastavak ulaganja napora u jačanje vladavine zakona u Bosni i Hercegovini;

**Shvatajući da** službenici za provedbu zakona mogu uživati povjerenje građana kojima služe samo ako su dio strukture koja od njih zahtijeva najviše nivoe efikasnosti i stručnosti u radu;

**Imajući na umu** činjenicu da je Parlamentarna skupština Bosne i Hercegovine donijela zakon kojim je osnovana Državna agencija za istrage i zaštitu (u daljem tekstu: Agencija) u junu 2004. godine i da ova Agencija od tada preduzima mjere kako bi se što prije razvila u jaku državnu policijsku snagu sposobnu da se bori protiv organiziranog kriminala i terorizma, između ostalog;

**Konstatirajući** činjenicu da postupak imenovanja direktora i zamjenika direktora Agencije predviđen u prelaznim i završnim odredbama Zakona o Državnoj agenciji za istrage i zaštitu ("Službeni glasnik BiH", broj 27/04) još nije završen i priznajući potrebu da se osigura kontinuitet upravljanja Agencijom do imenovanja njenog najvišeg rukovodstva;

Iz razloga koji su ovdje navedeni Visoki predstavnik donosi sljedeću

## **ODLUKU**

### **O DONOŠENJU ZAKONA O IZMJENAMA I DOPUNAMA ZAKONA O DRŽAVNOJ AGENCIJI ZA ISTRAGE I ZAŠTITU ("Službeni glasnik BiH", broj 27/04)**

koji se nalazi u prilogu Odluke i čini njen sastavni dio.

Navedeni zakon se objavljuje na službenoj internet stranici Ureda Visokog predstavnika i stupa na snagu odmah kao zakon Bosne i Hercegovine, na privremenoj osnovi, sve dok ga Parlamentarna skupština Bosne i Hercegovine ne usvoji u istom obliku, bez izmjena i dopuna i bez dodatnih uslova.

Ova odluka stupa na snagu odmah i odmah se objavljuje u "Službenom glasniku BiH".

---

Broj 330/04  
23. decembra 2004. godine  
Sarajevo

---

Visoki predstavnik  
**Paddy Ashdown**, s. r.

## **ZAKON**

### **O IZMJENAMA I DOPUNAMA ZAKONA O DRŽAVNOJ AGENCIJI ZA ISTRAGE I ZAŠTITU**

#### Član 1.

(1) U Zakonu o Državnoj agenciji za istrage i zaštitu ("Službeni glasnik BiH", broj 27/04), u stavu 1. člana 26. riječi: "6 mjeseci" zamjenjuju se riječima: "8 mjeseci".

(2) U stavu 2. člana 26. riječi: "6 mjeseci" zamjenjuju se riječima: "8 mjeseci".

#### Član 2.

Ovaj zakon stupa na snagu odmah i odmah se objavljuje.

---